

omniscientia est proprium Dei. E. est accidēs. Hic respondeatur ad propositionem negando. Nam non omne proprium est accidens, scil. prædicabile. Nam ita propriū distinguitur ab accidente. Deinde non omne proprium est accidens prædicamentale, sed illud solum, quod realiter differt à subiecto; qualis non est omniscientia Dei. Item cùm quis ita colligit: Omne propriū est accidens. E. Porphyrius malè distinxit proprium ab accidente. In hāc argumentatione itidem confunditur accidens prædicabile cum prædicamentali. Vide suprà lib. 2. cap. II. 3. Cùm accidens absolutum confunditur cum respectivo, & contrā: ut, cùm in S. Cœnâ non distinguitur actio à relatione: cùm fides justifica in negotio justificationis consideratur tanquam habitus, ubi debet considerari χειρῶς.

### I I I. Quantitatis:

1. Cùm quantitas extensiva confunditur cum intensivâ, & prædicamentalis cum transcendentali: ut, Angelus est quātus. Ergò est corporeus. Non sequitur: quia Angelus non est quantus quantitate prædicamenti. Sic nec sequitur: Eruditio Johannis non est tanta, quanta est eruditio Petri. E. eruditio est res sensibilis. Ratio: quia eruditio recipit quantitatē intensivam seu virtutis, non extensivā seu molis. 2. Cùm soli quantitati tribuitur actio: ut, cùm major lapis dicitur magis premere, quam minor; cùm medicamentū dicitur diversimodè operari pro diversitate dosis & ponderis; & utrumq; adscribitur quantitati. Non enim quantitas, quæ est ignava, ut potest fluens ab ignavissimo ente, nimirūm materiâ, aliquid virium habet, sed quatenus est instructa variis qualitatibus, ut lapis ratione gravitatis majoris vel minoris, medicamentum ratione qualitatum coagmatarum seu unitarū dicitur vehementer operari. Huc facit illud: *Virtus unita est fortior dispersa.* Numero tamen & lapidi, videlicet limiti, tribuitur vis seu valor, sed εὐθέσεως, ex instituto.

### I V. Qualitatis:

1. Cùm dispositio vel διάθεσις φυσικὴ confunditur cum habitu sic ἐξαντέτως dicto: ut, Est homo. E. doctus est literas. Iste puer tenet rudimenta Grāmatices. E. est doctus. Hoc nō sequitur nisi contingenter. At hoc sequitur: Est homo. E. potest doce-